

N'ancoéhet er ré-Varhue !

FÆÇON DEVOT DE GRESQUAT DEVOTION Chapeled er ré-Varhue

TENNET A RÉGL

Arch-Brediah santél en Itrôn-Varia-a-Zélivranç-
en-Inéanneu ag er Purgatoer, sauet dre en **Eutra**
SERRE, Aumónier ag un Hospital er guer a Nimes.

N'en dès chet, ma houyamb, *Chapelet er-bet eid er ré-Varhue*, approet dré en Ilis, hag induljancet esprès eid quement-cé. Chutui pérac en en dès er fidéled devot de bédein eid en Inaénneu santél ag er Purgatoér, queméret peb sort fæçonieu de lared aveid ar ré-Varhue Chapelet er Huerhiès-Glorius-Vari. Ni hun nès chonjet penaus ur Chapelet spécial péhani e vehé laret aveid er ré-Varhue e vehé ur moyand cribue ha padus aveid cresquat ha stréaüein en devotion men.

Raccé, chutui é peh fæçon en hun nès cavet jaujabl er homposein, eid brassan avantaj en Inéanneu queih-men hag æzemant mambreu Arch Brediah en Itrôn-Varia-a-Zélivranç en Inéanneu ag er Purgatoér, ha hani en dud devot aral péré e vennehé el larat bamdé.

Ni e glasque composein ur Chapelet *berrig* ha neoah

forh pinhuik a induljanceu eid er ré-Varhue. Ha chutui penaus e omb deit de ben a guemen-cé.

Boud e zou en hun *Chapelet er ré-Varhue* puar *merchad*, aveid inourein ha digass chonj ag en neu-
uiguend aer e dremenat Hun-Salver-Jésus-Chrouist
el Limbeu aveit délivrein ag ino ha condui d'en Nean
ol en dud santél e oé marhue en é raug.

Boud e zou ér *Chapelet-men* ur Grucéfi hag ur
mandal ag en Arch-Brediah, é pehani é ma limaj en
Inéanneu ag er *Purgatoér*.

Chutui er façon d'el lared : — Ar er Groez é larér
en *De Profundis*; — er ré ne houyant quet en *De
Profundis* e lar ur *Bater* hag un *Ave* (pe *Hun Tad* pehani
zou én *Néan*, ha *Me hou salud Mari*); — ar ol er grannad
bas ag er *Chapelet*, e larer er *Requiem æternam* hag
en Acteu a *Fé*, *Espérance* hag a *Garanté*; — hag ar ol
er grannad bihan ag ar puar *merchad* é larér er
beden-man :

Calon douç Mari, beoh me salvedéguéah!

Nezé é achihuer er *Chapelet* dré en *De Profundis*, pe
er *Bater* hag en *Ave Maria*.

Er *Chapelet-man* e zou avel m'é ma tesiremb, rac
berrig ha *forh pinhuik* a induljanceu aveid er re-Varhue.
— Pibue benac el lar e hel gonid *tri mil-arnuguend*
ha tri hand dé a induljanceu staguet doh er pedenneu a
nehou, hag en induljanceu-man e heller gonid aveid en
Inéanneu ag er *Purgatoér*.

Boud e zou é guirionné, aveid lared en Acteu a *Fé*,
a *Espérance* hag a *Garanté*, *quel lies guéh m'ou larér*,
seih vlai ha seih deu-uguend dé a induljanç; de lared-e
aveid er pedair guéh m'ou larér en ul lared er *Chapelet*
unec mil tri hand dé open.

Gounid e hrér ehué *tri hant de a induljanç* quel liés
gueh ma larér er beden-men :

Calon douç Mari, beoh me salvedégueah

(Revé libér Hun Tad Santel er Pab Pi IX, scrihuet d'en
dregondvet dé a vis guenholon, er blai 1832). Er péh ra
aveid en neu uiguend guech ma hé larér, *deuzec mil*
de a induljanç.

En dud devot peré e laqua poén de gresquein dé-
votion er Chapeletig-man eid ar ré-Varhue, e hra un
dra forh agreabl de Zoué, avantajus bras aveid en
Inéanneu santel ag er Purgatoér, hag ér memb amzér
forh precius aveit hai ind memb. Sant Thomas e assur
é ma er beden aveid er ré-Varhue en excellantan ag
ol er pedenneu; ha Sant Francès-a-Sales e enseign
demb penaus en alezon aveid en Inéanneu ag er Pur-
gatoér e ma ol œuvreu aral a Charité a gaus d'hé
excellanç memb. Chutui perac e laré quel liés, pe vezé
comzet tehou ag ar ré-Varhue : « Er gueih ré-Varhue-
« man, ni ou ancoéha paud rai, ha neoah ind ou dès
« bed hur haret quement ! »

Person santél Ars (en Eutru Jan-Mari Vianey), e laré
un dé d'emb ni-memb : « Oh ! m'amî, pedamb hemb
« arsau aveid er gueih tud Varhue-men, en Eutru
« Doué e rantou d'em cant cuéh muyoh aveid n'ur
« bou bet groeit aveit hai. Ah ! pe vehé gouyet peh
« quen avantajus-e aveid er ré hé fratiq, en dévotion
« aveid en Inéanneu santél ag er Purgatoér, ne vehent
« quet quen ancoheit ! En Eutru Doué a sel avel
« groeit aveit-ou ean-memb ol er péh e hramb aveil
« hai. »

« Ur vadam devot e scrihué d'emb er homzeu-man :
« Hanhuein e bran hou Chapeletig aveid ar ré-Varhue,
Delivrou en Inéanneu ag er Purgatoer.

« M'el lar bamdé (e-mé er memb person santél
« Ars), ha memb liés a huéh en dé, guet er brassan
« plijadur. Me garehé ér gueled é deourn en ol, guet
« Chapelet er Huerhies-Glorius-Vari, avel en neu dra
« requis eid goarn en dévotion e mesq er grechenion.
« Oh! gued a vad e brehé d'er ré-Varhue ha d'er ré
« vihue en dud hag e vehé sourçius d'el lared bamdé. »
— Hama ! é hanhue ol er gueih tud varhue-cé e souffr
hag ezou ancoehet, a surtout é hanhue ou zud
varhue queih-e, é supplianb en dud dévot peré e
leinou quement-man, de streauien en dévotion e
quevér en Inéanneu santél ag er Purgatoér en ur
stréaüien a guement ma belleint, Chapelet er ré-Varhue,
hag en ur hounid ré d'hum laquat é Aih-Brediah santél,
hag avantajus en Inéanneu ag er Purgatoér sahuet ér
guer a Nimes. Er vrediah-man en dès groeit lared ér
blai-man, open *uguent mil* overen aveid en ineanneu ag
er Purgatoer, hag a houdé dec vlai open *cant mil*.
Bra-sed secour aveid er gueih tud varhue-ce quen
abandonnet !

Ne zou meid en haní er bien e hel gober mollein quement-man.